



partii naleraq

Nuuk 25. oktober 2018  
UKA2018/141  
Hans Enoksen Partii Naleraq

**Nuummi illut minillugit Illunik aningaasalersuisarnerup, niueruteqarnerup attartortitsisarnerullu unammilleqatigiinnermik tunngaveqarnerulernissaat pillugu 2020-mi Upernaakkut ataatsimiinnissamut najukkani assigiinngitsuni illut suuneri najoqqutaralugit periarfissat pillugit nalunaarusioqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Nalunaarusiami aamma ineriartorneq tamanna siuarsarumallugu periarfissaasinnaasut pingaarnersiorlugit allaasereqquneqarput. (Inatsisartunut ilaasortaq Justus Hansen, Demokraatit)**

Inatsisartunut ilaasortaq Justus Hansen Demokraatit siunnersuuteqarpoq illunik aningaasalersuisarnerup attartortitsisarnerullu unammilleqatigiinnermik tunngaveqarnerulernissaat pillugu illut suuneri pillugit Naalakkersuisut nalunaarusioqqullugit tamannalu oqaaseqarfignissavarput.

Nunatsinni illoqarnikkut nutaamik aqqissuussinerit arlallit aqqusaartarsimavagut tamannalu soorunami aamma pitsaasorpassuarnik innuttaasunut kinguneqartarsimavoq taamatullu alloriartarsimanerit aamma qujassutigissallugit nuannaarutigissallugillu pissutissaqarpugut.

Siunnersuut soqutigintartut isigaarput tassami ilaatigut illussaqaarniarnikkut atugassarititaasut sumiiffiit isigigaanni assigiinngitsorujussuarmik atugassaqaarfiummata pingaartumik illoqarfinni anginerusuni najugaqaraanni periarfissat pitsaanerujussuusarlutik, aamma tamanna ajounngilaq, kisiannili nunatsinni illoqarnikkut naligiinnerusumik atugassaqaartitsinissarput aamma pisussaaffigisagipput Partii Naleqqamiit isumaqarpugut.

Siunnersuuteqartup Justus Hansen saqqummiussamini aamma oqaatigisaa tassalu inuit aningaasarsiaqarpallaanngikkaluarlutik illuliornissamut periarfissaqaarnissaasa misissuiffiqneqarnissaat assut iluatinnartutut isigigatsigu assullu tapersornartillugu.

Tassami ilaqutariippasuit namminneq illutaarsinnaanissaminnik eqqarsaateqartartut tamatta ilisimavarput, pingaartumik ukiuni makkunani illunik attartornermi akit qaffakkiartuinnartut inuuniarnermut annertuumik artukkiillutik sunniukkiartuinnarmata.

Aammalu ilanngullugu qanoq sukkanerusumik illut attartukkat attartortumut pigisassanngortinnissaat aqqutissiuqqartariaqartoq ilanngullugu misissorneqassasoq kissaatigaarput.

Tassami ilaqutariippasuit inigisaminni attartortut ukiorpassuarni najukkaminniiginnartarnerat takornartaanngimmat taakkunungalugu illut attartugaat pigisassanngortissinnaagutsigit

qularinngivippara tamanna ulluinnarni inuuniarnikkut ullumikkornit pitsaanerusumik sunniuteqassagaluartut.

Inatsisartunut ilaasortaq Justus Hansen-ip siunnersuutaa tassalu nalunaarusiornissamik Naalackersuisunut piunasaqarnera 2020-mi upernaakkut saqqumiussaqaqqullugit tamakkiisumik Partii Naleqqamiit taperseripput oqaatigerusupparput.

Tassa tamakkiisumik misissuisoqarnissaa kissaatiginarpoq tassami aamma Nuummi ilaqtariippassuit tamarmik aningaasarsiarissaanngillat taamaattumik aamma misissuinermi Nuup ilanngunneqarnissaa kissaatigaarput.

Ilaqtariippassuit nammnerisamik illoqarnerup pilluarnartua amerlanerpaat misigisariaqaraat neriuutigalugu taamatut oqaaseqarluta siunnersuummut tapersiivugut.